


ORGANI SHQYRTUES I PROKURIMIT

Sipas Nenit 109 të Ligjit nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092

Një ankesë kundër: **Komunës së Vitisë – Departamentit të Prokurimit**

Për aktivitetin e Prokurimit: **VI-657-16-070-221**

Sa i përket tenderit për **Mirmbajtja verore dhe dimrore të rrugëve në territorin e komunës së Vitisë**



ANKESË

1. Identifikimi i ankuesit*

"EL-BAU" Sh.p.k. _____
(Shëno emrin e plotë të kompanisë suaj)

Rr. Nato 99 (Rr. Tranzit drejtimi i magjistrales Gjilan – Ferizaj)

(Adresa)

Gjilan 60 000

(Vendi) _____
(Kodi postar)

044 244-330

(Numri Telefonit) _____
(Numri i Faks-it)

Suad Pireva _____
(Emri i plotë i përfaqësuesit të kompanisë suaj)
elbau_gjilan@hotmail.com

(Adresa elektronike)

Brenda afatit ligjor 23.01.2017

(Data e parashtrimit të ankesës) _____
(Nënshkrimi dhe vula)



*Ankues do të thotë një palë e interesuar për parashtrim të ankesës.

2. Identifikimi i avokatit

Parashtruesi i kërkesës e parashtron ankesën vet përmes përfaqësuesit të kompanisë "El-Bau" Sh.p.k.

3. Të dhënat mbi aktivitetin e prokurimit

[Shëno një përshkrim të shkurtër lidhur me datën dhe vendin në të cilën është publikuar "Njoftimi për Kontratë" apo "Njoftimi për konkurs të projektimit" dhe, nëse aplikohet "Njoftimi për dhënie të Kontratës", "Njoftimi për Rezultatet e Konkursit të Projektimit" apo "Njoftimi për anulim të aktivitetit të prokurimit", nëse aplikohet, afatin e fundit për dorëzimin e tenderit, datën dhe orën e fillimit të procesit për Hapjen e Tenderëve, si dhe kriteri për dhënie të kontratës]:

Procedura e prokurimit lidhur me aktivitetin e prokurimit Nr, prokurimi KA-652-16-069-221, me titull: "Miëmbajtja e rrugëve gjatë sezonit veror dhe dimrorë në Komunën e Kaçanikut" është udhëhequr si vijon:

- Njoftimi për Kontratë është publikuar në ueb faqen e KRPP-së me dt. 13.12.2016;
- Afati i fundit për dorëzimin e ofertave ka qene 23.12.2016 në ora 14:00, Zyra e Prokurimit, Nr.24, Komuna e Vitisë ;
- Hapja e ofertave nga perberja e komisionit te AK-se ne prezencen e ofertuesve është bërë me date 03/11/2016 ora 14:00, Zyra e Prokurimit Nr. 24 Komuna Vitisë
- Kriteri per dhenien e Kontrates: **Cmimi me i Ulet**
- Letra standarde për tenderuesin e eliminuar, "El-Bau&Global Projekt", pranuar nga AK përmes postës elektronike me dt. 06.01.2017;
- Njoftimi për Dhënie të Kontratës OE "Zuka Company" është publikuar në ueb faqen e KRPP-së me dt.06.01.2017;

Zgjidhja preliminare e mosmarrëveshjeve bazuar në nenin 108/A i LPP-së

- Kërkesa për Rishqyrtim parashtruar nga OE "EL-BAU" me dt. 10.01.2017 organit të njejtë, AK-Komunës Viti kundër vendimit të AK-së- Letër Standarde për tenderuesin e eliminuar "El-Bau&Global Projekt", pranuar nga AK përmes postës elektronike me dt. 06.01.2017
- Vendimi Nr. 02-13/30 i dt. 13.01.2017 mbi Refuzimin si të pabazuar të ankesës së OE "El-Bau", pranuar përmes emailit (attachment) me dt. 13.01.2017 nga Menagjeri i Zyrës së Prokurimit Fadil Abazi

4. Procesi i Hapjes së tenderëve, nëse aplikohet

A keni marrë pjesë në procesin e Hapjes së tenderëve? Nëse po, specifikoni shkurtimisht ecurinë e procesit të Hapjes së Tenderëve.

Po ☒

Jo ☐

Procesi i hapjes se ofertave ne kete aktivitet prokurimi është bërë nga komisioni i hapjes së tenderëve në prezencën e përfaqësuesve të OE pjesëmarrës të cilët kanë dorëzuar ofertat e tyre (shih procesverbalin e hapjes).

5. Njoftimi mbi Eliminimin e Tenderuesve, nëse aplikohet

A jeni njoftuar me shkrim lidhur me eliminimin tuaj nga pjesëmarrja e mëtutjeshme në aktivitetin e prokurimit ?

Me datë 06.01.2017 nga z. Fadil Abazi përmes emailit në attachment kemi pranuar Letrën standarde për tenderuesin e eliminuar, "El-Bau&Global Projekt", në të cilën është shënuar se jemi eliminuar për shkak se nuk kemi dorëzuar tender të përgjegjshëm për arsyet si në vijim:

- Nuk keni plotësua kriterin në FDT.... **pika 11.1; Jeni i papërgjegjshëm sipas Njoftimit të datës 30.12.2016, ku kemi terheqjen e partnerit të Konzorciumit,**
- Kemi pranuar një Letër terheqje nga GLOBAL PROJEKT, me datën 30.12.2016, sipas të cilet konzorciumi juaj me këtë OE është i pavlefshëm

6. Zgjidhja preliminare e mosmarrëveshjeve

A keni bërë kërkesë për rishqyrtim pranë AK lidhur me arsyet e eliminimit tuaj?

Po ☒Jo ☐

Bazuar në nenin 108A të LPA-së, nenit 4 dhe 5 të Rregullave për parashtrim të ankesave – FO3, në cilësi të "palës së interesuar" siç parashikohet me këtë ligj brenda afatit ligjor me datën 10.01.2017 kundër vendimit – Letrës Standarde për tenderuesin e eliminuar "El-Bau" Global Projekt" të dt. 06.01.2017 kemi parashtruar Kërkesën për Rishqyrtim tek Autoriteti Kontraktues Komuna e Vitisë e cila udhëheq këtë aktivitet të prokurimit.

Provë: Kërkesa për Rishqyrtim kundër vendimit –Letrës standarde për tenderuesin e eliminuar El-Bau" &Global Projekt" e dt. 10.01.2017

Lidhur me vendimin e atakuar Letrës standarde për tenderuesin e eliminuar El-Bau&Vemor" e dt. 10.01.2017, Autoriteti Kontraktues, respektivisht Zyrtari përgjegjës i prokurimit z. Fadil Abazi, me datën 13.01.2017 ka nxjerrë Vendimi Nr. 02-13/30 i dt. 13.01.2017 mbi Refuzimin si të pabazuar të ankesës së OE "El-Bau" lidhur me aktivitetin e prokurimit për "Mirmbajtja verore dhe dimrore të rrugëve në territorin e komunës së Vitisë" me nr. prokurimi VI-657-16-070-221.

Provë: Vendimi Nr. 02-13/30 i dt. 13.01.2017

7. Dispozitat e shkelura nga Autoriteti Kontraktues

Specifikoni dispozitën ose dispozitat e LPP-së që supozohet të jenë shkelur nga Autoriteti Kontraktues që nga momenti i publikimit të Njoftimit për Kontratë/Konkurs të Projektimit, dhe nëse aplikohet gjerë në përmbylljen e këtij aktiviteti të prokurimit me publikimin e Njoftimit për Dhënien e Kontratës apo Njoftimit për Rezultatet e Konkursit të Projektimit apo Njoftimit për Anulim.

Bazuar në nenin 109 lidhur me nenin 111 të LPP-së, nenit 9 dhe 10 të Rregullave për parashtrim të ankesave – FO3, OE "EL-BAU" Sh.p.k. në cilësi të palës së interesuar që ka interes juridik-material lidhur me këtë lëndë, në përputhje me rrethanat e nenit 108A pas udhëheqjes së procedurës paraprake për zgjidhje të mosmarrëveshjeve përmes kërkesës për

rishqyrtim tek AK – Komuna Kaçanik dhe pas vendimit të nxjerrur nga AK në procedurën paraprake të zgjidhjes së mosmarrëveshjeve, pretendojmë se gjatë udhëheqjes së ciklit të vlerësimit të prokurimit ky proces është manipuluar nga ndërhyrja e zyrtarit përgjegjës të prokurimit z. Fadil Abazi për të siguruar që kontrata t'i jepet OE të parapëlqyer "Zuka Company" dhe për të përjashtuar nga konkurenca OE "El-Bau" me ofertën më të lirë siç edhe ka ndodhur për arsyet që do të përshkruhen në pjesën e 8 të formularit të ankesës. Andaj konsiderojmë se gjatë udhëheqjes së procedurës së prokurimit në këtë lëndë që nga momenti i dorëzimit të ofertave që ka rezultuar se oferta e OE "El-Bau&Global Projekt me çmim 52,852.50€ është më e lirë se të vetmit OE pjesëmarrës "Zuka Company" i cili kishte ofertuar me çmim 68,271.50€, gjatë ciklit të vlerësimit të ofertave, komunikimeve dhe negociatave të pautorizuara me ndërmjetësime të partneri i OE "EL-BAU" kompania "Global Projekt", marrjes së vendimit përfundimtar, eliminimin e OE "El-Bau&Global Projekt" dhe Njoftimit për dhënien e kontratës OE "Zuka Company" zyrtari përgjegjës i prokurimit z. Fadil Abazi me dashje ka bërë shkelje esenciale të dispozitave të LPP-së dhe akteve nënligjore në zbatim të këtij ligji përfshirë rregullat e prokurimit publik dhe atë:

- 1) Neni 1 paragrafi 1,2 dhe 3 i Ligjit të Konsoliduar Nr.04/L-042, Qëllimi;
- 2) Neni 6 paragrafi 1 i Ligjit të Konsoliduar Nr.04/L-042, Ekonomiciteti dhe Efikasiteti
- 3) Neni 7 paragrafi 1,2 dhe 4 i Ligjit të Konsoliduar Nr.04/L-042, Barazia në Trajtim/ Jo Diskriminim;
- 4) Neni 23 paragrafi 4 i Ligjit të Konsoliduar Nr.04/L-042, Zyrtarët e Prokurimit;
- 5) Neni 56 paragrafi 1.1 dhe 1.2 i Ligjit të Konsoliduar Nr.04/L-042, Dispozitat e Përgjithshme mbi Përzgjedhjen e Pjesëmarrësve dhe Dhënien e Kontratave
- 6) Neni 59 paragrafi 4 dhe 5 i Ligjit të Konsoliduar së Nr.04/L-042, Ekzaminimi, Vlerësimi dhe Krahësimi i Tenderëve;
- 7) Neni 60 paragrafi 1.1 i Ligjit të Konsoliduar së Nr.04/L-042, Kriteret për dhënien e kontratës
- 8) Nenin 130 paragrafi 1 nënparagrafi 1.1, 12.2, 1.3 dhe 1.6 i Ligjit të konsoliduar 04/L-042, Kriteret për dhënien e kontratës;
- 9) Si dhe akteve nënligjore nga legjislacioni sekondar që plotësojnë dhe sqarojnë dispozitat e lartshënuara të LPP-së dispozitat e lartshënuara të LPP-së;
- 10) Kodin Etik të Prokurimit dhe atë:
 - Neni 3 (parimet) paragrafi 3.4 dhe 3.5
 - Nenin 4 (Udhëheqja) paragrafi.4.1 – Deklarata e interesit dhe 4.5 –Konkurenca e drejtë;
 - Neni 6 paragrafi 1 – Përkushtimi për standardet më të larta morale
 - Neni 7 paragrafi 1,2 dhe 3 – Marrëdhëniet me operatorët ekonomik, dhe
 - Pjesa C1: Deklarata nën betim për zyrtarët e prokurimit
- 11) Shkelje nga Ligji Nr. 02/L-028 për Procedurën Administrative nga neni 84 paragrafi 2 pika c) dhe neni 86 paragrafi 1 dhe 3 i këtij ligji;
- 12) Shkelje nga Ligji Nr.04/L-082 Penal i Republikës së Kosovës lidhur me nenin 130 të LPP-së

**** Sipas Nenit 118 të LPP, OSHP-ja do të kthej tarifën tuaj nëse ankesa aprovohet si e bazuar. OSHP-ja mund të kërkojë një gjobë shtesë deri në 5,000 Euro në rastet kur OSHP-ja konstaton që të gjitha apo cilado nga pretendimet e parashtruara në ankesë kanë qenë të rrejshme ose mashtruese.**

8. Deklaratë detale mbi faktet dhe argumentet

Përshkrimi i rrethanave faktike

1. Operatori Ekonomik OE "EL-BAU" ka marrë pjesë në këtë tender si grup së bashku me kompaninë "GLOBAL PROJEKT" dhe sipas Marrëveshjes për bashkpunim e datës 23.12.2016, deklaratës mbi autorizimin e datës 23.12.2016, Pjesa C – Formulari i dorëzimit të tenderit, lider/udhëheqës i autorizuar për të vepruar në emër të grupit dhe për të nënshkruar këtë tender në emër të konzorciumit është kompania "EL-BAU" Sh.p.k. nga Gjilani. Bazuar në procesverbalin e hapjes së tenderëve gjatë seancës së mbajtur nga AK për hapjen e tenderëve vërtetohet se për këtë aktivitet ofertat e tyre kanë dorëzuar operatorët ekonomik:

	Tenderuesi	Vendi	Çmimi i përgjithshëm
1	EL-BAU&GLOBAL	GJILAN	52,852.50 €
2	ZUKA COMERCE	GJILAN	68,271.50 €

Provë: Marrëveshja e bashkëpunimit e lidhur në mes OE "El-Bau" dhe OE "Global Projekt" me të gjitha shtojcat tjera, dt.23.12.2016

Procesverbali i hapjes së ofertave

2. Me datën jemi kontaktuar nga një person me të cilin kemi bashkpunuar në implementimin e një projekti në Komunën e Vitisë (identitetin e tij do ta zbulojmë nëse na kërkohet mirëpo me kusht që të sigurohet mbrojtja e tij) i cili na ka njoftuar se Fadil Abazi duke ditur raportin e tij me neve e ka dërguar të na kërkojë që medeomos duhet ta tërheqim ofertën e dorëzuar për këtë aktivitet prokurimi madje duke na premtuar edhe një shumë të caktuar të mjeteve. Personin në fjalë iu është bërë me dije se OE "El-Bau" për këtë aktivitet prokurimi ka dorëzuar ofertën me çmim më të lirë (52,852.50€) se sa konkurenti i vetëm OE "Zuka Company" (68,271.50€) dhe se i plotësojnë të gjitha kushtet siç janë kërkuar në dosje të tenderit andaj edhe e kemi njoftu se nuk mund të tërheqim dosjen e tenderit. Ai ka insistuar me çdo kusht të na bindë të tërhiqemi pasi në bazë të fjalëve të tij Fadil Abazi i ka thënë se e ka pre në besë për faktin që nuk na ka bindë të mos konkurojmë fare për këtë tender dhe duhet të na bindë tani ta tërheqim dosjen e tenderit.
3. Duke pasur parasysh rastin konkret si dhe eksperiencën në të kaluarën me problemet që jemi ballafaquar nga i njeiti dhe pikërisht kur ka qenë në pyetje kompania "Zuka Commerce" dhe kompania Vision Projekt (të cilën e ka shpallur fitues në disa projekte edhe përkundër faktit se ka pas njohuri se kjo kompani kishte falsifikuar vërtetimin e ATK-se) kemi parashikuar se i njeiti do të përdor çdo mjet të mundshëm në kundërshtim me parimet bazike të udhëheqjes së procedurës së vlerësimit për të nxjerrë një vendim që kontrata t'i jepet OE të parapëlqyer "Zuka Company" dhe për të përjashtuar nga konkurrenca OE "El-Bau", andaj duke pasur parasysh këtë situatë me datën 27.12.2016 me një parashtresë elektronike kemi njoftuar KRPP, Agjencionin Antikorrupsion, etj nga të cilët kemi kërkuar që të monitorohet udhëheqja e procedurës së vlerësimit lidhur me këtë aktivitet.

Provë: Kërkesa për monitorim të

Kompania "El-Bau" sh.p.k.

Adresa: Rr. Nato 99", 60000 Gjilan, Republika e Kosovës. Tel: 044 244 330

4. Ashtu siç edhe kishim parashikuar me kohë se ekziston dyshim i bazuar se Fadil Abazi do të ndërmarrë çfarëdo mase dhe përdor çfarëdo mjeti me qëllim që të ndikojë vlerësimin e drejtë dhe të ligjshëm që kontrata t'i jepet OE të parapëlqyer "Zuka Company" dhe për të përjashtuar nga konkurrenca OE "El-Bau", me datën 04.01.2017 përmes emailit nga z. Fadil Abazi kemi pranuar njoftimin *"Ju njoftojmë me këtë shkresë të partnerit tuaj, te pranuar me datë 30.12.2016"* dhe në attachment kishte bashkangjitur një shkresë në emër të OE "Global Projekt" e emërtuar "Njoftim për tërheqje" e adresuar për Komunën e Vitisë dhe e protokolluar me Nr. 02-016/49588 dt. Prot. 30.12.2016.

Provë: Njoftimi përmes emailit nga Fadil Abazi dhe në attach shkresa "Njoftim për tërheqje" Nr. prot. 02-016/49588, dt. prot 30.12.2016

5. Pas marrjes së kësaj shkrese duke pasur parasysh se bashkpunimin me OE "Global Projekt" e kemi bërë me vullnet të lirë të dyanshëm dhe se pjesëmarrësit janë marrë vesh për elementet thelbësore të marrëveshjes dhe kanë për detyrë dhe përgjegjësi ta përmbushin detyrimin, se në qoftë se pas lidhjes së kontratës krijohen rrethana që e vështirësojnë përmbushjen e detyrimit nga njëra palë, ajo palë duhet të kërkojë nga pala tjetër që kontrata të zgjidhet apo të ndryshohet me anë të negocimit në mes palëve në mënyrë paqësore pasi pala me këtë rast nuk ka mundur të thirret në rrethana të ndryshuara pasi ka pasur për detyrë që në kohën e lidhjes së kontratës të marrë në konsiderim këto rrethana ose ka mundur që këto t'i evitojë apo t'i përballojë, me datën 05.01.2017 e kemi zhvilluar një takim me Musli Zubakun pronar i kompanisë "Global Projekt". Nga i njeiti jemi njoftuar se dikush i ka kërkuar vëllaut të tij me u tërheq nga konzorciumi dhe ka pas kërkesa të vazhdueshme nga vëllai i tij për tu tërheq nga konzorciumi dhe në rast se nuk do të tërhiqej vëllau i tij i kishte bërë me dije se do të prisheshin marrëdhëniet familjare në mes tyre dhe se për këtë shkak duke mos pasur mundësi tjera dhe mos të krijojë konflikt familjar me vëllaut ishte detyruar që të tërhiqet nga konzorciumi dhe për ta shkruar shkresën e kishte gjetur një person (herë ka thënë një zyrtarë komune e herë avokat) që ja ka shkru deklaraten të cilën edhe na është dërguar me datën 04.01.2017 nga Fadil Abazi. Sipas informacioneve tona të paverifikuara këtë shkresë e ka shënuar zyrtari i komunës së Kamenicës z. Hasan Keqmezi i cili më parë ishte menagjer i prokurimit andaj vëmë në pah dyshimin se ka gjasa që ky të jetë personi ndërmjetësues në mes menagjerit të Komunës së Vitisë z. Fadil Abazi dhe vëllaut apo pronarit të kompanisë "Global Projekt" z. Musli Zubaku

Kërkojmë nga OSHP që në zbatim të drejtë dhe të ligjshëm të kësaj procedure gjatë shqyrtimit fillestar dhe procedurave të vendimmarrjes të marr në pyetje dëshmitarin dhe njëherit pronarin e kompanisë "Global Projekt z. Musli Zubaku apo nëse verifikon informatën edhe z. Hasan Keqmezi

6. Me datën 01.05.2017 lidhur informacionet e pranuar, deklaratës së OE "Global Projekt" për tërheqje nga konzorciumi për të cilën jemi njoftuar nga z. Fadil Abazi me datën 04.01.2017, informative të siguruara nga takimi me pronarin e kompanisë "Global Projekt" z. Musli Zubaku, të njejtat ju kemi dërguar KRPP-së, AKK-së si dhe një pjese të deputevë të Kosovës nga Komisioni për Mbikqyrje Financiare nga të cilët (KRPP dhe AKK) me datën 27.12.2017 patëm kërkuar monitorimin e vlerësimit të këtij aktiviteti të prokurimit.

Provë: Njoftimi përmes emailit KRPP, AKK dhe disa deputetë, dt. 05.01.2017

7. Gjithashtu me datën 05.01.2017 pas pranimi të informacioneve nga z. Fadil Abazi lidhur me deklaratën e OE "Global Projekt" për tërheqje nga konzorciumi, informative të siguruara nga takimi me pronarin e kompanisë "Global Projekt" z. Musli Zubaku, një shkresë e kemi adresuar në drejtim të Fadil Abazit të cilin e kemi vënë në dijeni se të gjitha këto veprime janë të orkestruara dhe manipuluar nga ai për interesa të tij personale të korrupsionit që përmes lidhjeve të ndryshme me qëllim që të ndikojë në zbatimin e drejtë dhe të ligjshëm të vlerësimit të këtij aktiviteti prokurimi që kontrata t'i jepet OE të parapëlqyer "Zuka Company" dhe të përjashtohet nga konkurrenca OE "El-Bau" ashtu siç edhe ka ndodhur. Po ashtu të njëjtin e kemi vënë në pah se përveq se dyshohet se deklarata është e ndikuar dhe manipuluar jashtë vullnetit të pronarit të kompanisë "Global Projekt" pasi e njëjta është në kundërtë me vetë autorizimin e dhënë me datën 23.12.2016 nga pronari i OE "Global Projekt" Musli Zubaku në të cilin ka deklaruar me vullnet të lirë se ***"Si partner i konzorciumit për tenderin me titull: Mirmbajtja verore dhe dimrore në territorin e komunës së Vitisë me Nr. Prok. VI 657 16 070 221 Deklarojmë se autorizojmë kompaninë EL BAU sh.p.k., Lider në këtë projekt, si dhe për të vepruar në emer të frupit..*** Gjithashtu në Pjesën C - Formulari i dorëzimit të tenderit, anëtar i konzorciumit "GLOBAL PROJEKT" është pajtuar dhe ka autorizuar që lider/udhëheqës i autorizuar për të vepruar në emer të grupit dhe për të nënshkruar këtë tender në emer të konzorciumit është kompania "EL-BAU" Sh.p.k. nga Gjilani. Ndërsa Marrëveshja për Bashkpunim në mes partnerit udhëheqës - Lideri "EL-BAU" sh.p.k dhe partnerit të grupit N.N.T. "GLOBAL PROJEKT" e nënshkruar nga personi i autorizuar nga OE "EL-BAU" dhe në emer të OE "GLOBAL PROJEKT" nga pronari i saj Musli Zubaku, në nenin 16 tekstualisht parasheh se marrëveshja ndërprehet si e pavlefshme në këto raste: *Në rast se oferta e përbashkët për këtë projekt nuk zgjidhet si më e përshtatshme nga autoriteti kontraktues; Në rast se ftesa për tender të anulohet nga autoriteti kontraktues; Në rast se likuidimi ose cila do palë gjendet nën autoritetin gjyqësor si e ndjekur para nënshkrimit të kontratës.*

Provë: Njoftimi përmes emailit për
Fadil Abazin, dt. 05.01.2017

8. Me datë 06.01.2017 nga z. Fadil Abazi përmes emailit në attachment kemi pranuar Letrën standarde për tenderuesin e eliminuar, "El-Bau&Global Projekt", në të cilën është shënuar se jemi eliminuar për shkak se nuk kemi dorëzuar tender të përgjegjshëm për arsyet si në vijim:
9. Nuk keni plotësua kriterin në FDT.... pika 11.1; **Jeni i papërgjegjshëm sipas Njoftimit të datës 30.12.2016, ku kemi tërheqjen e partnerit të Konzorciumit,**
10. **Kemi pranuar një Letër tërheqje nga GLOBAL PROJEKT, me datën 30.12.2016, sipas të cilit konzorciumi juaj me këtë OE është i pavlefshëm**
11. Me datën 10.01.2017 kundër vendimit Letrën standarde për tenderuesin e eliminuar, "El-Bau&Global Projekt" të dt.06.01.2017 kemi parashtruar Kërkesën për Rishqyrtim duke e mbështetur në gjendjen faktike të përshkruar deri më tani që sipas këndvështrimit tonë ashtu siç kishim parashikuar procesi i përgjithshëm i administrimit të këtij prokurimi duke filluar nga hapja e tenderit dhe paraqitja e ofertave nga dy OE pjesëmarrës (ankuesi dhe OE "Zuka Company") ciklin e vlerësimit të ofertave dhe nxjerrja e të gjitha vendimeve të deritanishme është bërë me veprime manipuluese në kundërshtim të plotë me parimet bazike të prokurimit, dispozitat e përgjithshme mbi përzgjedhjen e pjesëmarrësve dhe dhënien e kontratave si dhe në mënyrë të pandershme, pandërgjegjshme, joprofesionale siç i udhëzon Kodi Etik i Prokurimit. Manipuluar

12. Me datën 17.01.2017 nga Fadil Abazi përmes emailit në attach kemi pranuar Vendimin Nr. 02-13/30 i dt. 13.01.2017 mbi Refuzimin si të pabazuar të ankesës së OE "El-Bau", pranuar përmes emailit (attachment) me dt. 13.01.2017 nga Menagjeri i Zyrës së Prokurimit Fadil Abazi. Vetë përmbajtja e arsytimit të vendimit, shprehjet e tij me një fjalor banal dhe larg etikës dhe profesionalizmit është pasqyra më e mirë që tregon nivelin dhe integritetin e karakterit personal dhe profesional të këtij personi të cilit një institucion i ka besuar udhëheqjen dhe shpenzimin me fonde publike.

Provë: Vendimi Nr. 02-13/30 i dt. 13.01.2017

Përshkrimi në kontekst të gjendjes faktike që përbëjnë pretendimin për shkelje të dispozitave të LPP-së, rregullave të prokurimit publik dhe ligjeve tjera

13. Përtej fakteve të përshkruara më lartë që në rast se arrihet të vertetohen nga nga OSHP gjatë shqyrtimit të këtij rasti, në lidhje me terheqjen e partnerit konsiderojmë që nga kontrata që ishte lidhur në mes palëve ishin përcaktuar të drejtat dhe detyrimet e palëve dhe qështja e shkeputjes së kontrates, ndër të cilat kushte nga partneri nuk ishte përmbushur dhe deklarata e dhënë nuk ishte bërë në bazë të kontratës dhe autorizimit për përfaqësim. Formulari i dorëzimit të tenderit, anëtari i konzorciumit "GLOBAL PROJEKT" është pajtuar dhe ka autorizuar që lider/udhëheqës i autorizuar për të vepruar në emër të grupit dhe për të nënshkruar këtë tender në emër të konzorciumit është kompania "EL-BAU" Sh.p.k. nga Gjilani. Kësisoj nga autoriteti kontraktues në mënyrë të gabuar është bërë pranimi dhe interpretimi i deklaratës lëndore sepse përmes së ciles nuk ka mundur të bëhet shkeputja e kontrates dhe në kundërshtim me LMD neni 2, 4, 5, 6, 8, 9, 11, 15, 25, 72, 74, 116.2, 136, 137, 169 dhe neni 987-999.
14. Në këtë drejtim duke pasur parasysh mënyrën dhe periudhën kohën kur shkruar deklarata, njëanshmëria e deklaratës pa e njoftuar liderin e konzorciumit, pasi që anëtari i konzorciumit nuk ka mundur të thirret në këto rrethana ngase i njeiti ka pasur për detyrë që në kohën e lidhjes së kontratës të marrë në konsiderim këto rrethana ose ka mundur që këto t'i evitojë apo t'i përballojë, tregimin sipas verzionit të pronarit të kompanisë Musli Zubaku se si vëllau i tij i ka vënë kusht për shkeputjen e marrëveshjes për konzorcium për arsyet e sipërcekura, faktin se dyshohet se ky tekst i deklaratës është shënuar nën ndikimin dhe kontrollin e Fadil Abazit siç rrëfen z. Zubaku se është shkruar nga një zyrtar i komunës që ne dyshojmë se ka gjasa të jetë z. Hasan Keqmezi i cili mban lidhje me Fadil Abazin, krejt këto veprime të orkestruara nga Fadil Abazi janë bërë si e vetmja mundësi me eliminu ofertën e OE "EL-Bau" e cila ishte me çmim më të lirë q të sigurojë rrethana që kontrata t'i jepet OE të parapëlqyer "Zuka Company". Andaj ky vendim përbën vendim të padrejtë dhe të paligjshëm dhe si i tillë duhet të shpallet NULL pasi pasoja e shkaktuar dhe ekzekutimi i tij shkakton vepër penale të denueshme sipas nenit 130 të LPP-së lidhur me ligjin penal.
15. Andaj në kontekst të gjendjes faktike dhe bazës ligjore gjatë fazës së shqyrtimit të prokurimit po të zbatohet procesi i vlerësimit bazuar në parimet kryesore të prokurimit, konkurrencës, efikasitetit&efektivitetit,drejtësisë/mosdiskriminimit, kushteve të barabarta në mënyrë të drejtë dhe me qëllim të zgjidhjes së drejtë dhe të ligjshme, oferta e OE "El-Bau&Vemor" do të ekzistonin gjasat serioze të vlerësohej tender i përgjegjshëm në përputhshmëri me të gjitha kërkesat e parashtruara në

njoftimin për kontratë dhe dosjes së tenderit, dhe sipas kriterit për dhënien e kontratës të shpallet fitues si tenderi i përgjegjshëm me çmim më të lirë.

Si rezultat rrethanave faktike të cilat i konstatuam më lartë konsiderojmë se eliminimi nga pjesëmarrja e mëtutjeshme për aktivitetin e prokurimit në fjalë është bërë vetëm me shkak të trajtimit jo të barabartë/diskriminimit në raport me operatorin ekonomik të rekomanduar për dhënie të kontratës dhe në këtë kontekst mendojmë të ketë shkelje serioze e LPP nr.04/L-042, rregullave të prokurimit në Kosovë me dashje nga menagjeri i prokurimit Fadil Abazi, dhe atë të dispozitave si në vijim:

Neni 1 paragrafi 1,2 dhe 3 i Ligjit të Konsoliduar Nr.04/L-042, Qëllimi;

16. Zyrtari i përgjegjës i prokurimit z. Fadil Abazi gjatë administrimit të vlerësimit të prokurimit në këtë lëndë për asryet që u konstatuan më lartë nuk ka vepruar siç e obligon neni 1 i këtij ligji i cili si qëllim ka që të sigurohet mënyrën më efikase më transparente dhe më të drejtë të fondeve publike, sigurimin e integritetit dhe përgjegjësinë e zyrtarëve të prokurimit duke kërkuar që vendimet e tyre të jenë në pajtim me bazën ligjore dhe faktike dhe mos të ndikohen nga interesat personale, materiale por të karakterizohen me jo-diskriminim dhe me një shkallë të lartë të transparencës, me një kulturë institucionale dhe profesionale, të pandikuara, të paanshme, etike dhe duke ju përmbajtur rreptësisht procedurave dhe kushteve qenësore të këtij ligji.

Neni 6 paragrafi 1 i Ligjit të Konsoliduar Nr.04/L-042, Ekonomiciteti dhe Efikasiteti

17. Zyrtari i përgjegjës i prokurimit z. Fadil Abazi gjatë administrimit të vlerësimit të prokurimit në këtë lëndë për asryet që u konstatuan më lartë nuk ka vepruar siç e obligon neni 6.1 i këtij ligji të sigurojë që fondet publike të përdoren në mënyrën më ekonomike, për shkak se i ndikuar nga interesat personale apo interesa tjera për dobi financiare për veten apo organizatën biznesore "Zuka Commerce" në kundërshtim me këtë ligj për të ndikuar në rezultatin e vendimit që me qdo kusht të gjindet një arsye për eliminim të OE EL-BAU, përmes komunikimeve të paautorizuara dhe negociatave në mënyrë direkte apo indirekte përmes njërzve të ndryshëm ka ndikuar në vullnetin e anëtarit të konzorciumit GLOBAL PROJEKT që të bëjë një deklaratë për tërheqje nga konzorciumi me qëllim të favorizimit dhe dhënies së kontratës OE "Zuka Company"

Neni 7 paragrafi 1,2 dhe 4 i Ligjit të Konsoliduar Nr.04/L-042, Barazia në Trajtim/ Jo Diskriminim;

18. Zyrtari i përgjegjës i prokurimit z. Fadil Abazi gjatë administrimit të vlerësimit të prokurimit në këtë lëndë për asryet që u konstatuan më lartë nuk ka vepruar sipas asnjërit paragraf të kësaj dispozite të prokurimit që përcakton barazinë në trajtim dhe jo-diskriminim që është edhe parim bazik i prokurimit. I njejtë përmes veprimeve të padrejta dhe të paligjshme ka krijuar rrethana imponuese që kanë rezultuar në trajtim të pabarabartë, jotransparente, rrethana që redukton dhe eliminon konkurrencën e drejtë në mes OE pjesëmarrës për shkak të kushteve të krijuara nga të cilat diskriminohet në dëm të aspektit material dhe personal OE EL-BAU dhe favorizohet për hapjen e rrugës për fitimin e kontratës OE "Zuka Company"

Neni 23 paragrafi 4 i Ligjit të Konsoliduar Nr.04/L-042,Zyrtarët e Prokurimit;

19. Sipas neni 23 paragrafi 4 zyrtari përgjegjës i prokurimit që shërben në emër të AK sipas këtij neni nga pika ii) *do të ushtrojë aktivitetet e prokurimit të autoritetit kontraktues në mënyrë të ndershme dhe të ndërgjegjshme dhe në pajtim të plotë me këtë ligj, dhe sipas pikës (iii) menjëherë do të ushtrojë në mënyrë profesionale të gjitha detyrat tjera të përcaktuara në këtë ligj.*

Veprimet e zyrtarit përgjegjës të prokurimit z. Fadil Abazi të përshtuara më lartë nuk janë veprime në pajtim me këtë dispozitë ligjore dhe në pajtim me Kodin Etik të Prokurimit.

Neni 59 paragrafi 4 dhe 5 i Ligjit të Konsoliduar së Nr.04/L-042, Ekzaminimi, Vlerësimi dhe Krahësimi i Tenderëve dhe neni 60 paragrafi 1.1, Kriteret për dhënien e kontratës;

20. Konsiderojmë se OE "EL-BAU&GLOBAL PROJEKT" duke marrë pjesë në këtë tender si grup së bashku me kompaninë "GLOBAL PROJEKT" bazuar në Marrëveshjen për bashkpunim e datës 23.12.2016, deklaratës mbi autorizimin e datës 23.12.2016, Pjesa C – Formulari i dorëzimit të tenderit, lider/udhëheqës i autorizuar për të vepruar në emër të grupit dhe për të nënshkruar këtë tender në emër të konzorciumit është kompania "EL-BAU" Sh.p.k. nga Gjilani si dhe dëshmime tjera dokumentare duke përjashtuar rrethanat e krijuara nga veprimet e paligjshme të Fadil Abazit, ankuesi ka paraqitur tender të përgjegjshëm në përputhshmëri me të gjitha kërkesat e parashtruara në njoftimin për kontratë dhe bazuar në nenin 59.4 tenderi i dorëzuar nga ne është dashur që të vlerësohet si tender i përgjegjshëm. Gjithashtu pasur parasysh komunikimet e pauautorizuara dhe negociatat që zyrtari përgjegjës i prokurimit z. Fadil Abazi i ka zhvilluar me ndërmjetësues për të ndikuar në vullnetin e OE EL-BAU që të tërhiqet nga tenderi dhe ndikuar në vullnetin e lirë të OE GLOBAL PROJEKT për tu tërhequr nga konzorciumi paraqesin shkelje nga neni 59.5 të LPP-së

Nenin 130 paragrafi 1 nënparagrafi 1.1, 12.2,1.3 dhe 1.6 i Ligjit të konsoliduar 04/L-042, Kriteret për dhënien e kontratës;

21. Zyrtari i përgjegjës i prokurimit z. Fadil Abazi gjatë administrimit të vlerësimit të prokurimit në këtë lëndë për asyret që u konstatuan më lartë ka kryer shkelje të cilat janë të dënueshme dhe zbatueshme në pajtim me ligjin përkatës në fuqi dhe ligjin përkatës penal. Kurdo që materializohen faktet e paraqitura më lartë do të vërtetohet se zyrtari përgjegjës i prokurimit z. Fadil Abazi me qëllim të krijimit të kushteve për favorizim të OE "Zuka Company" me të cilin dyshojmë se ka lidhje ka zhvilluar negociata, marrëveshje, aranzhmane për të ndikuar plotësisht në vullnetin e lirë të anëtarit të konzorciumit OE GLOBAL PROJEKT, vullnetin e zyrtarëve të komisionit të vlerësimit që vendimi të ndikojë në parandalimin, kufizimin e konkurrencës duke shkaktuar dëmtimit të interesit të OE EL-BAU dhe favorizimin për dhënie të kontratës OE "Zuka Company".

Gjithashtu bazuar në paragrafin 1.6 të neni 130 të LPP-së, personi apo personat që janë zyrtar të lartë, drejtor të ndërmarrjes që janë përfshirë në këto raste është dashur me qenë në dijeni sipas kujdesit të arsyeshëm për rastet e shkaktuara të një veprimi të tillë

Shkelje të Kodin Etik të Prokurimit dhe atë:

22. Neni 3 (parimet) paragrafi 3.4 dhe 3.5 – Është detyrë e zyrtarëve të prokurimit të promovoni vazhdimisht standardet më të larta në aspektin profesional, teknik, ligjor dhe të mbani nivel të padiskutueshëm të integritetit në të gjitha relacionet private dhe profesionale brenda dhe jashtë organizatës ku punoni
23. Neni 4 (Udhëheqja) paragrafi. 4.5 –Konkurenca e drejtë – Zyrtari i prokurimit duhet të bëjë çdo përpjekje të mundshme për të krijuar konkurrencë të drejtë dhe të barabartë në mes operatorëve ekonomik dhe të siguroni OE se procesi është i hapur transparent dhe në përputhje me LPP-
24. Neni 6 paragrafi 1 – Përkushtimi për standardet më të larta morale – zyrtari i prokurimit që udhëheq me procedura të prokurimit duhet të tregojë përkushtim për standardet më të larta morale duke parandaluar rrezikun që procesi i prokurimit të drejtohet te OE e parapëlqyer apo përpjekja për të ndërhyrë në procesin konkurues për ryshfet, miqësi apo arsye tjera
25. Neni 7 paragrafi 1,2 dhe 3 – Marrëdhëniet me operatorët ekonomik - Të ju ofroni mundësi të barabarta të gjithë OE të kualifikuar apo para-kualifikuar për të konkurruar në aktivitetet e prokurimit duke garantuar paanshëmri për konkurrencë të drejtë dhe të bëni përpjekje për të ruajtur marrëdhëniet positive dhe profesionale me të gjithë OE që mosmarrëveshjet të zgjidhen shpejt dhe drejtësisht
26. Pjesa C1: Deklarata nën betim për zyrtarët e prokurimit - Të udhëheqni procedurën e ekzaminimit, vlerësimit dhe krahasimit të tenderëve në bazë të parimeve kryesore të procedurës së vlerësimit duke ju përmbajtur rreptësisht procedurave dhe kushteve qenësore të LPP-së dhe rregullave të prokurimit publik – sipas Deklaratës nën Betim lidhur me dispozitat e përgjithshme mbi përzgjedhjen e pjesëmarrësve dhe dhënien e kontratave bazuar në Kapitullin IV –Udhëheqja e procedurave të prokurimit të LPP-së

Andaj duke konsideruar se me vendimin e ankimuar AK ka vepruar në kundërshtim me aplikimin e dispozitave të lartshënuara të LPP-së dhe akteve nënligjore që si pasojë nga shkeljet e pretenduara ka rezultuar me dëmtimin e konzorciumit OE "El-Bau&Vemor" kërkojmë nga OSHP të shqyrtojë ankesën në bazë të dispozitave të specifikuara në pjesën e IX-të të LPP-së, dhe pas administrimit të provave dyuke bërë vlerësimin detal të të gjitha pretendimeve ankimore dhe duke ju dhënë peshë të gjitha fakteve të paraqitura në ankesë, i propozojmë të merr këtë

V E N D I M

- **MIRATOHET** si e bazuar ankesa e OE "EL-BAU" me seli në Gjiilan;
- **ANULOHE**T Vendimi Nr. 02-13/30 i dt. 13.01.2017 mbi Refuzimin si të pabazuar të ankesës së OE "El-Bau", Letra standarde për tenderuesin e eliminuar, "El-Bau&Global Projekt", pranuar nga AK përmes postës elektronike me dt. 06.01.2017, Njoftimi për Dhënie të Kontratës OE "Zuka Company" është publikuar në ueb faqen e KRPP-së me dt. 06.01.2017 dhe vendoset që lënda të kthehet në RIVLERËSIM;
- **DETYROHET** AK të merr masa adekuate korrigjuese për eliminimin e lëshimeve ligjore dhe të vendoset të shperblehet me kontrat OE "El-Bau" si ofertuesi i vetëm i përgjegjshëm me çmimin më të ulët që plotëson të gjitha kriteret e kërkuara në dosjen e tenderit dhe njoftimit për kontratë;
- **REFUZOHET** çfarëdo kërkesë e AK-së për heqjen e pezullimit të aktivitetit të prokurimi

9. Dëmet materiale

Përshkruaj mënyrën se si shkelja e supozuar ka shkaktuar ose kërcënohet t'iu shkaktojë dëme materiale, ne rast se përfshini pretendime për kompensim.

OE "EL-BAU" Sh.p.k. në cilësi të "palës së interesuar" siç parashikohet me këtë ligj pretendon se është dëmtuar dhe i janë shkelur të drejtat nga vendimi i kundërligjshëm AK-së në kundërshtim me dispozitat e lartshënuara pasi që me vendimin për eliminim të OE "EL-BAU" pa u bazuar në gjendjen faktike dhe juridike iu është cënuar e drejta të shpërblehet me kontrat si ofertuesi i përgjegjshëm me çmimin më të ulët.

Do të ndiqen të gjithë hapat ligjorë të ankimimit në të gjitha shkallët për të realizuar të drejtën tonë ligjore për kompenzimin e dëmit të shkaktuar nëse vendimi i njëjtë mbetet në fuqi gjatë fazës së rishqyrtimit nga organi i shkallës së njëjtë. Shpresojmë që organi që ka nxjerrur vendimet në fjalë gjatë rishqyrtimit të evitojë shkeljet e identifikuara nga ne të cilat janë të mbështetura në fakte dhe dëshmi materiale si dhe bazuar në to të nxjerr një vendim të saktë, të ligjshëm dhe meritator.

10. Lista e dokumenteve (dëshmime) të bashkangjitura

Ankesës i bashkangjiten ne kopje dokumentet e konstatuara me larte.

****Sipas Nenit 111.2 të LPP, Parashtruesi i ankesës, origjinalin e ankesës do t'ia dorëzojë OSHP-së dhe njëkohësisht një kopje do t'ia dërgojë në mënyrën më të shpejtë të mundshme Autoritetit Kontraktues.*